

Sa tradizioni de sa pintadura

Una stória connota meda fait bénneri su ritu de sa *pintadura de sa prama* de unu certu intra is agricultoris de Furtei e is pastoris e is conciadoris de peddis de Nuraxi, ca fiant atesu s'unu de s'àteru no prus de unu kilometru, e acanta totus e duus a Fluminimannu de innoi pigant s'acua po is fainas insoru. A is ocidroxus de is tallas de brebeis, ca fiat curpa de is contadinus de Furtei, si arraspundiat abruxendu a posta su chi fiat messau, ca fiat curpa de is pastori nuraxesus. Unu certu ca no si podiat suportai pustis annus de bixinau bellu, ma ca pruscatotu fadiat bessiri traballosu su fai is fainas agrícolas e pastoralis, arrischendu s'arragota de is tributus baronalis. Duncas in su 1604 su Baroni de Furtei Franciscu Sanjust, pustis tratativas longas, arrennescit a fai acabai sa contraposizioni intra is duas populatzionis. E is representantes de Furtei e Nuraxi sutascriint sa paxi su meigama de su cenàbura prima de su su domínigu de is Pramas. Comenti sinnali beru de sa paxi firmada, su rapresentanti de is Aragonesus donat a totus is famíglias de Furtei e Nuraxi unu cambixeddu de prama, fata segai me in su giardinu cosa sua.

Su domínigu sa genti de Furtei e Nuraxi si atóbiant in localidadi *Sant'Antiogu*, a mitadi de bia, acanta a su Fluminimannu. Unu séculu pustis de custu, sa genti de Nuraxi, stasius narat s'Angius de is abruncadas de is bandius (ca ndi furant su bestiàmini) iant decídiu de si spostai a Furtei, ponendo impari economias, traditzionis religiosas e civilis. Intra custas su



donu de sa prama, me in su témpus de sa Cida Santa, passat de su podestadi Marongiu a su primu Síndigu de sa Repúblic, Eleutériu Piras, e fintzas a oi sa tradizioni ca s'autoridadadi prus manna donit is pramas a sa genti e a s'autoridadadi religiosa no est mai mudada. Sa tradizioni contat ca s'autoridadadi cumbidat scéti is antzianus de sa bidia (is sàbius) ca fadiant puru de consilleris. Custus, su cenàbura prima de su domínigu de is pramas fadiant e faint cun unus cantu intrécius, decoratzionis piticas e mannas manixendu scéti sa folla de prama.